

國家圖書館館藏歷史檔案文獻叢刊

國家圖  
書館藏

清代孤本外交檔案

第3冊

全國圖書館文獻縮微複製中心

國家圖書館藏歷史檔案文獻叢刊

國家  
圖書館藏

清代孤本外交檔案

第 3 冊

全國圖書館文獻縮微復制中心

浩罕互  
理

浩罕伯克構兵案

內治

頁	第	類	司	冊	冊	日	月	年	總 事 由	
									字	號
四二						收	三	元	元	某機關文事
四二						收	七	元	元	某機關文事
四二						收	六	元	元	某機關文事

廳司

科考字互刊類共計

件陳輝

編

洪字互刊類考查明情形密探嚴防不虞均係奎英明  
緒景廉奏報由軍机處先抄出

安集延賊匪入卡橫城官兵出勦  
獲勝探子匪首係倭里字錫黑  
阿字二子也

招內聲叙洪字互刊之子殊未  
明晰著奎英查明吳夫天

本查明洪字互刊情形並嚴防  
密探以備不虞

二	二	二	二	二	二	元	九
ハ	ハ	六	の	の	の	九	九
二十三	二十三	二十三	二	二	二	二	六
收	收	收	收	收	收	收	收
寄	景廉抄摺	常清抄片	寄	景廉抄片	景廉抄片	明緒抄片	寄
寄	景廉抄摺 俄軍五門情形係著景廉探報並 景宗編纂密片托向裕陳恩	常清抄片 探由俄軍五門尚未了結嚴防 可城實力所報	寄	景廉抄片 逆首倭里乎是不被宗那阿軍 二子進至既便馬什俄隨時使探	景廉抄片 查明法字探身係為奪取伯 友亞非俄人調安並探向布魯特 隨隨俄國情形	明緒抄片 現稱分界事宜得難全因查 及法字五門情形	寄
俄	俄	俄	俄	俄	俄	俄	俄
の二	の二	の二	の二	の二	の二	の二	の二

浩罕伯克構兵案

欽命總理各國事務衙門清檔

浩罕互鬥案

同治元年七月初三日軍機處抄出奎英等奏  
稱竊查喀什噶爾地處極邊接壤外夷且安  
集延回匪出沒無常奴才等諄飭阿奇木伯  
克庫吐魯克選派妥差確實偵探倍加防範  
以期有備無患茲於本年五月二十三日申  
刻據阿奇木伯克庫吐魯克報稱據烏帕爾  
莊六品伯克帕孜里回稱探得浩罕地方胡

達雅爾佔踞將沙木拉特趕出浩罕地方沙  
木拉特帶領二萬餘人逃奔倭什地方等語  
查該處相距回城八九站隨即嚴飭認真確  
探一面將備戰官兵挑選齊備聽候探報旋  
於戌刻復據阿奇木伯克庫魯吐克呈稱探  
得卡外突有賊匪十數人執持器械扑人將  
約洛卡倫搶掠馬匹阿奇木伯克即派回兵  
迎擊等語奴才等隨飭選派妥差著實偵探  
是否竄逸抑或在彼游奕據實呈報去後即

將滿漢官兵槍礮隊伍整飭齊備隨於二十四日申刻據阿奇木伯克庫吐魯克報稱塞里蔓莊署六品伯克庫吐魯七品伯克阿布都拉報稱有安集延賊匪一百餘人執持器械直撲前來距該莊二三十里等情并據防守卡浪圭明約洛官兵來城稟報突有賊匪一百多人直撲卡倫因寡不敵眾稟報前來當即飭令趕緊確探隨即與奴才福珠凌阿商酌即將挑就滿漢官兵管帶刻即起程馳

往剿捕奴才奎英在城帶領文武員弁調度  
防守一切事宜隨於二十五日辰刻接到奴  
才福珠凌阿函稱帶領隊伍行至七里河據  
探報稱前有騎馬賊匪執械直撲前來即督  
飭隊伍施放槍礮擊斃賊匪數名活捉賊二  
名率領馬隊跟踪追擊直至回城南門外沿  
途射斃賊匪多名促獲帶傷賊一名我兵抵  
至回城附近又有另股賊匪分為三隊攻撲  
回城約有賊匪五六百人阿奇木伯克庫吐

魯克督率回兵與賊打仗奴才即令我兵與回兵合為一隊併力擊捕賊匪膽敢直撲我兵奮勇向前搶礮齊施該匪力窮始行敗竄時已薄暮未便窮追隨即收隊在回城南門外紮營藉資彈壓回眾保護回城飭查各莊回民均皆安靜并據探信回子報稱伊混入賊夥探得為首的賊匪倭里罕斜黑阿渾的兩個兒子併方才提海里拜底提庫爾完阿洋毛拉阿渾密曼喀拉巴圖魯巴什內

有伊認得本處咸豐七年隨倭里罕為首之  
木薩爾今納斯提該賊匪分羣潛行尚未一  
處聚黨等語奴才即飭阿奇木伯克選派安  
靠伯克確實偵探該匪逃竄何處即為帶隊  
剿捕奴才即函囑奴才福珠凌阿趁賊勢敗  
竄跟蹤追剿勿致蔓延容俟如何情形再為  
具奏謹將賊匪突入官兵即時出剿打獲勝  
仗各緣由恭摺奏

聞等因奉

旨另有旨欽此

七月初三日奉

上諭英蘊等奏喀什噶爾突有賊匪撲入卡倫官兵  
迎剿獲勝奎英等奏安集延賊匪突入卡倫撲至  
回城外滋擾官兵出剿獲勝各一摺據稱安集延  
賊匪一百餘人執持器械直撲賽里莊距該莊二  
三十里并有賊匪百餘撲明約洛卡倫經福珠凌  
阿帶隊直抵回城斃賊多名另股賊匪約五六百  
人分為三隊攻撲回城我兵與回兵合為一隊併

力剿捕槍礮齊施賊始敗竄探得為首賊匪係倭  
里罕及斜黑渾二子現飭嚴防等語前據常清等  
奏有卡外不靖之信當以喀什噶爾地處極邊現  
在卡外賊匪有無竊發情事著常清景廉隨時派  
人察看嚴防茲據奎英等各奏情形倭里罕係屢  
次入卡滋事著名首犯而斜黑阿渾二子又屬逆  
裔該匪等膽敢狼狽為奸糾約匪黨至五六百人  
之多攻撲回城抗拒官兵實屬怙惡不悛月無法  
紀雖經官軍擊退難保不再來滋擾著奎英等實

力防範如探有匪蹤即行追擊以期盡絕根株奎  
英等摺內所稱另股賊匪係屬何賊而英蘊及奎  
英等摺內又均牽及浩罕互鬪之事聲叙殊未明  
晰并著查明具奏景廉等前有旨令其查辦事件  
著查明具奏迅即赴任飭令各該城認真防守伊  
犁換防官兵現已到境是否足資堵禦著飭令認  
真搜捕以清餘孽常清等有統率各城之責何以  
於邊卡滋事毫無聞見即著查明具奏并嚴飭該  
城妥速嚴事毋任滋蔓是為至要等因欽此

九月初六日軍機處抄出奎英等奏稱竊奴才

等於本年八月初八日接准議政王軍機大

臣字寄伊犁將軍常清叅贊大臣明緒葉爾

羗叅贊大臣景廉前任葉爾羗叅贊大臣英

蘊幫辦大臣武隆阿喀什噶爾辦事大臣奎

英喀什噶爾換防總兵福珠隆阿同治元年

七月初三日奉

上諭奎英等摺內所稱另股賊匪係屬何賊而英蘊

暨奎英等摺內又均牽及浩罕互鬪之事聲叙殊

未明晰并著查明具奏等因欽此遵

肯寄信前來欽讀之下奴才等覆查另股賊匪係屬  
首逆倭里罕等由倭什地方湊集餘匪一千  
五百多人分為數股竄入卡倫直撲回城意  
在攻得且令我官兵不能兼顧幸賴

皇上洪福官兵迎擊登時撲滅均係倭里罕帶領安

集延一股賊匪并無別有另項賊匪情事此

奴才等摺內具奏另股賊匪之實情也再遵

查浩罕互鬪之事前據阿奇木伯克庫吐魯

克報稱并拏獲活賊供稱內有浩罕邁里伯  
克被屬下謀害公舉邁里之兄薩木薩克之  
子沙木拉特坐了浩罕伯克經邁里伯克驅  
逐逃跑布噶爾地方之前任浩罕伯克胡達  
雅爾兩相說合將謀害邁里伯克之眾頭目  
捉殺十數名因此倭里罕霍卓害怕逃跑到  
倭<sup>什</sup>地方該逆所帶并於該處湊了一千五百  
多人撲入卡倫滋事等情奴才等前於五月  
二十九日拜發摺內叙入具奏在案但浩罕